



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 174. Hollandi Venetis suppetias irrito Successu ferentes.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

bosciam arcem, quam Veneti cinctam Sæc. XVII. tenebant, obsidione liberavit, sed & A. C. 1617. præsidarios in fugam egit.

§. CLXXIV.

Hollandi Venetis suppetias irrito successu ferentes.

Jam anni prioris Mense Julio Veneti *Newill. hist. d' Holland. l. 2. cap. II. tom. I. Merc. Gallob. tom. II. l. 4.* misso ad Fœderatos Ordines Legato adversus Ferdinandum Archiducem suppetias petebant. Æqua videbatur Ordinibus Reipublicæ petitio; intercesserat enim cum illis mutua armorum societates per Henricum IV. Galliæ Regem olim conciliata; quapropter summis impensis, & maxima, qua potuit, celeritate milites conscribuntur, ac valida instruitur classis, quæ tamen acriori vento jactata, non nisi Mense Februario portu solvit, atque ineunte Mense Aprilis Venetias appulsa est. Igitur exsensione facta Joannes Ernestus Nassoviæ Princeps hujus classis Præfectus, postquam Hollandicos milites numero nongentos circiter, in foro Divi Marci, spectante ipso Duce Veneto, recensuerat, mox ad castra profectus, sese cum reliquo Reipublicæ exercitu conjunxit, Gradiscæ obsidionem promoturus. Verum auxiliares hæ copię paucos intra dies, eo quod Italico aeri, vivendique modo

Sæc. XVII. modo sese minus attemperare possent, A. C. 1617. crebris partim funeribus, partim frequenti ad hostium castra transfugio tantopere rarecebant, ut ad nil exitium aut illustre gerendum utiles essent, & reliqua exercitus parte aut dilapsa aut misere pereunte ipsemet Princeps Nassovius febris correptus, atque Utinum deportatus, ibidem decederet. Ejus Corpus Veneti in Templo S. Salvatoris reponi curarunt, Oratore Hispano, ne id a Monachis reciperetur, incassum hortante.

§. CLXXV.

Mutuae cædes ac vastationes inter Ferdinandi, & Venetorum copias.

Merc. Gallob. tom. II. l. 4. & tom. 12. l. 1. Ferrer. Hist. Hisp. tom. II. art. 2. Hæc tamen auxilii frustratio nullatenus ex alta gloriosæ ultionis spe Venetos dejecerat; cum enim Uscochos aliquot in oppido Sanservulo hæerere cognoscerent, misso exercitu eos partim trucidarunt, partim in ædibus suis combusserunt, Austriacos quoque, qui munitionem, Sancti Michaelis dictam, occupare moliebantur, cæsis eorum centum sexaginta, repulerunt. Vicissim Uscochi circa vigesimam Aprilis diem navibus aliquot Venetis expugnatis, aliis quatuor direptis, & tribus submersis, quarta vero Triestam secum abducta